

Kev pauv hloov rau Cov Neeg uas tau ua ib qho Txhaum Cai Lij Choj Feem Yeeb Tshuaj:

Txij hnuv tim 1 Lub Plaub Hlis, 2015, Lub chaw CalWORKs thiab CalFresh cov kev pab txhawb yuav tso cai cia cov neeg ua txhaum cai lij choj feem yeeb tshuaj tau txais cov kev pab. Qhov no txhais tau tias leej twg raug tsis kam lees lossis poob cov kev pab vim los ntawm ib qho ua txhaum cai lij choj tej zaum yuav tau txais cov kev pab ntau dua qub. Cov niam-txiv cia li yuav raug muab tso ntxiv rau ntawm Feem Kev Npab (AU) rau hauv CalWORKs. Lub Nroog yuav qhia rau koj paub yog xav tau lwm cov ntaub ntawv ntxiv los lis tus neeg no cov kev pab.

Cov niam qhuav txiv qhuav uas raug xaiv lossis yeej tsis yog ib feem ntawm koj li AU tej zaum kuj yuav raug tso npe ntxiv, tab sis koj yuav tsum tau hu rau Lub Nroog yog koj xav kom ib tug niav qhuav txiv qhuav lossis ib tug khub uas tau tso npe nyob uake hauv tsev tau txais cov kev pab no.

Nws yeej zoo ib yam li lwm tus neeg uas tau txais cov kev pab ntawm CalWORKs thiab CalFresh, cov neeg uas tau ua txhaum cai lij choj feem yeeb tshuaj, uas yog cov tseem muaj lub txim tab si tso tawm los ua ntej lossis raug rau txim ib ntus yuav tsum ua raws li cov cai ntawm qhov lawv qhov raug tso tawm los ua ntej lossis raug rau txim ib ntus, suav txog feem kev tso cai npaj txiav yeeb tshuaj, yog tias muaj nyob rau ntawm tus neeg qhov raug tso tawm los ua ntej lossis raug rau txim ib ntus.

Koj yuav tau txais ib Daim Ntawv Ceebtoom txog Qhov Txiaiv Txim rau thaum Lub Peb Hlis uas yuav qhia txog cov nyiaj pab tshiab uas koj yuav tau txais rau hnuv tim 1 Lub Plaub Hlis.

Tej Yam Uas Tau Hloov Hauv CalFresh:

Kev ntxiv ib tug neeg hauv tsev neeg rau hauv CalFresh ib txwm yeej ua rau koj yuav tau txais cov khoom noj ntau dua qub. Yog tus neeg no yeej raug tso ntxiv rau hauv CalWORKs, thiab tau cov nyiaj ntsuab pab dawb ntau ntxiv, cov kev pab ntawm CalFresh kuj yuav tau tsawg dua. **Koj yuav tau txais ib daim ntawv ceebtoom tas-haj yog koj cov kev pab ntawm CalFresh pauv hloov.**

Welfare-to-Work:

Kev ntxiv ib tug neeg laus rau hauv CalWORKs tej zaum yuav pauv hloov tshooj cai ua haujlwm rau tsev neeg. Cov neeg laus uas raug pab no yuav tsum ua txoj haujlwm lossis ua cov haujlwm uas yuav pab txhawb mus nrhiav ua haujlwm tau. Tej zaum qee tus neeg yuav raug zam lub txim (zam) los ntawm tshooj cai ua txoj haujlwm. Cov neeg uas muaj lub txim ua ntej ua txhaum cai lij choj feem yeeb tshuaj uas tau muab ntxiv rau hauv koj li AU thaum hnuv tim 1 Lub Plaub Hlis, 2015 tej zaum yuav tsum ua txoj haujlwm Welfare-to-Work (WTW). Tej zaum cov neeg uas tsis tau ua txoj haujlwm WTW yuav yeem dawb ua.

Txoj haujlwm WTW yuav qhia ntawv rau koj, cob qhia, thiab qhia txuj ci ua haujlwm kom pab koj nrhiav tau ib txoj haujlwm ua. Lub Nroog kuj yuav npaj pab koj thiab them cov nqi pab zov menyuum rau koj. Lawv yuav pab them cov nqi thauj mus los thiab lwm yam nqi siv nyiaj xws li tej khoom tshwj xeeb lossis ris tsho hnav, koj yuav tsum tau ib txoj haujlwm lossis ua koj txoj haujlwm WTW. Yog koj tsev neeg muaj teeb meem xws li tsis muaj tsev nyob lossis teeb meem ntawm tsev neeg, tej zaum CalWORKs kuj yuav muab kev saib xyuas tshwj xeeb rau koj.

Yog koj yuav tsum tau ua txoj haujlwm WTW, thiab koj tsis tas yuav ua txoj haujlwm muab rau ua, tej zaum koj yuav cov nyiaj ntsuab pab dawb tsawg dua qub. Lub Nroog yuav xa lwm cov ntaub ntawv ntsig txog tshooj cai ua haujlwm ntawm CalWORKs tuaj rau koj. Nws kuj yuav xa ib daim ntawv foos zam txog tshooj cai ntawm WTW tuaj rau koj.

Kev Zov Menyuum:

Cov neeg laus uas yog cov tau txais cov kev pab ntawm CalWORKs tej zaum yuav tau txais kev pab zov menyuum yog lawv tab tom ua haujlwm lossis ua ib txoj haujlwm uas raug pom zoo raws li WTW. Yog tam sim no koj tus menyuum yeej muaj neeg zov lawm thiab koj pib tau txais kev pab ntawm CalWORKs, tsis tas yuav hloov tus kws zov koj tus menyuum, yog koj tus kws zov menyuum yeej yeem raws li cov nqi them zov menyuum los ntawm CalWORKs.

Hu mus sib tham nrog Lub Nroog txog hom kev xaiv pab zov menyuum uas koj muaj cai tau txais.

Kev Pab Txhawb Rau Menyuum:

Cov neeg laus uas tau txais kev pab ntawm CalWORKs yuav tsum koom tes pab them nqi pab txhawb tus menyuum rau cov menyuum uas nyob ntawm CalWORKs. Yuav tsum them cov nyiaj pab txhawb menyuum rov qab mus rau tom lub nroog. Qhov ntawd txhais tau tias thaum koj kis muaj hais txog kev pab txhawb rau menyuum, koj tsuas tau txais cov nyiaj pab txhawb rau menyuum siab kawg nkaus yog \$50 hauv ib lub hlis. Cov nyiaj \$50 no yuav tsis muab suav nrog koj cov nyiaj tau txais dawb. Cov nyiaj seem ntawm cov nyiaj pab txhawb rau menyuum yuav raug siv them ntxiv rau hauv koj cov nyiaj ntsuab pab dawb.

Hu Rau Lub Nroog yog koj muaj lus nug txog qhov pauv hloov nyob hauv koj cov nyiaj pab txhawb rau menyuum lossis yog koj tsev neeg yuav muaj feem poob rau kis raug them cov nyiaj pab txhawb rau menyuum.